

երկրագործ Հայ ժողովրդի աղի արցունքները սրբել և դիվթական գաւազանի մի հարուածով անվերջ Հարիւրները վերացնել ու նրանց բարօրութիւն և երջանկութիւն պարգևել, մեր տկար ոյժերից շատ ու շատ վեր բաներ են: Ապա ուրեմն երկու Հարիւրներից փոքրագոյնը պիտի ընտրել: Այդ դժբաղդ ժողովրդին վերահաս թշուառութեանց ժաշող ճիրաններից փրկելու համար ես առաջարկում եմ հետեւեալ կտրուկ միջոցները: Նախ՝ բանալ երկդասեան դպրոցներ, երկրագործական և գիւղատնտեսական բաժանմունքներով, որ գիւղացու երեխան կարողանար մի թեթեւ գաղափար կազմել գիւղատնտեսութեան տարրական գիտելիքների մասին: Երկրորդ՝ գիւղատնտեսութեան վերաբերեալ, ուժասպառ և նիհարացած հողերը պարարտացնելու, նորագոյն գործիքներով մշակելու եղանակի, եղջիւրաւոր անասունների և պտղատու պէսպէս ծառերի աղնուացման և զարգացման մասին դասախօսութիւններ կարդալ երկրագործ ժողովրդին հասկանալի—Ուտիերէն, Հայերէն և թուրքերէն լեզուներով: Երրորդ՝ ցոյց տալ նրանց (գիւղացիներին) երկրագործութեան և գիւղատնտեսութեան վերաբերեալ պէսպէս կատարելագործուած գործիքներ և բացառիկ նրանց գործածութեան եղանակը: Չորրորդ՝ կազմել «սպառող» և «արտադրող» ընկերութիւններ *)՝ մեծ և

*) «Մշակի» 1903 թ. 199—200 և 202-րդ համարների բանասիրական բաժնում յարգելի պ. Ե. Թովչեանը «Օգտակար կազմակերպութիւններ» խորագրի տակ մի շարք